



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Posebni odjel za ratne zločine  
Broj: T20 0 KTRZ 0004608 16  
Sarajevo, 24. 12. 2021. godine

SUD BOSNE I HERCEGOVINE  
Odsjek I za ratne zločine  
-Sucu za prethodno saslušanje-  
[REDACTED]  
SARAJEVO

Na temelju odredbe članka 35. stavka 2. točka i), članka 226. stavka 1. i članka 227. stavka 1. Zakona o kaznenom postupku Bosne i Hercegovine, podižem:

OPTUŽNICU

PROTIV:

1. Živan Miljanović zvan „Žika“ [REDACTED] rođen 11.12.1952. godine u mjestu Bijeljina, općina Bijeljina [REDACTED]

[REDACTED] Stevo Bokarić [REDACTED] rođen 01.04.1949. godine u mjestu Popovi, općina Bijeljina [REDACTED]

[REDACTED]

**Goran Sarić zvan „Sara“** [REDACTED] rođen  
18.09.1964. godine u mjestu Jezero, općina Konjic

[REDACTED]

**Jovica Petrović,** [REDACTED] rođen 10.02.1968. godine  
u mjestu Bijeljina, općina Bijeljina,

[REDACTED]

**Mirko Simić, zvan „Dizna“** [REDACTED] rođen  
17.03.1968. godine u mjestu Bijeljina, općina Bijeljina

[REDACTED]

**Ljubo Marković, zvan „Kleco“** [REDACTED] rođen  
20.07.1971. godine u Sarajevu,

[REDACTED]

**Slavenko Kočević, zvan „Kino“** [redacted] rođen  
03.04.1970. godine u Sokocu, [redacted]

**Zvonko Pržulj, zvan „Đonto“ i „Bleso“** [redacted]  
rođen 22.02.1970.godine u Sokocu, [redacted]

#### Što su:

Kršeci pravila međunarodnog prava sadržana u članu 3. IV. Ženevske konvencije o zaštiti građanskih lica za vrijeme rata od 12. kolovoza 1949.godine, članka 13.stavak 2. u svezi sa člankom 4. stavak 2. točka a) Dopunskog protokola uz navedenu konvenciju o zaštiti žrtava nemeđunarodnih oružanih sukoba od 08. lipnja 1977.godine (Protokol II), za vrijeme ratnog stanja u Bosni i Hercegovini, osumnjičeni Živan Miljanović kao pomoćnik komandira Stanice milicije (SM) Bijeljina, osumnjičeni Stevo Bokarić kao rezervni radnik Sektora Državne bezbjednosti (SDB) Republike Srpske (RS) Bijeljina, osumnjičeni Goran Sarić kao inspektor Uprave za poslove i zadatke milicije Ministarstva unutrašnjih poslova (MUP) Republike Srpske, osumnjičeni Jovica Petrović i Mirko Simić zvan „Dizna“ kao pripadnici Interventnog voda Stanice milicije Bijeljina, osumnjičeni Slavenko Kočević zvan „Kino“, Ljubo Marković zvan „Kleco“ i Zvonko Pržulj zvan „Bleso“ i „Đonto“ kao pripadnici Specijalnog voda Ministarstva unutrašnjih poslova Republike Srpske (MUP RS) – Sokolac, zajedno sa više nepoznatih lica, svjesno i voljno učestvovali u lišenju života dvadesetdva (22) civila bošnjačke nacionalnosti, iako ta lica ni na koji način nisu učestvovala u neprijateljstvima i vojnim operacijama na način da su:

„Dana 24/25.09.1992 godine, po prethodnom dogovoru, Stevo Bokarić, Živan Miljanović i Duško Malović (preminuo) komandir Specijalnog voda MUP-a RS, u kasnim večernjim satima u prostorijama Stanice javne bezbjednosti (SJB) Bijeljina, u namjeri da iz bijeljinskog prigradskog naselja Bukreš, iz njihovih kuća, protuzakonito izvrše odvođenje i ubistva kompletnih porodica bošnjačke nacionalnosti [redacted] poduzeli radnje u cilju izvršenja dogovora, pa je tako u prisustvu Živana Miljanovića i Duška Malovića, Stevo Bokarić, koji je inače stanovao u naselju Bukreš i koji je u prethodnom periodu vršio zastrašivanje osoba bošnjačke nacionalnosti iz tog naselja sa ciljem da isti napuste svoje kuće, na listu papira komandiru specijalnog voda MUP-a RS Dušku Maloviću nacrtao kuće i napisao brojeve kuća porodica [redacted] nakon čega je istom rekao „da niko ne smije ostati u tim kućama „ da bi potom Živan Mijanović, kao pomoćnik komandira SM Bijeljina, s ciljem da se osigura neometano

izvođenje kompletnih porodica [REDACTED] iz njihovih kuća od strane pripadnika Specijalnog voda MUP-a RS, u holu SJB Bijeljina naredio dijelu pripadnika interventnog voda SM Bijeljina da odu na lokaciju uz cestu u blizini naselja Bukreš kako bi osigurali put na način da niko ne može prići naselju Bukreš iz pravca grada Bijeljina, dok je drugom dijelu interventnog voda, u prisustvu dvojice pripadnika Specijalnog voda MUP-a RS, naredio da se stave na raspolaganje Specijalnom vodu MUP-a RS-e, da bi zatim naredio pozornoj patroli koji su došli na smjenu u 22.00 sata, i čijem pozornom rejonu je pripadalo naselje Bukreš, da do daljnjeg ostanu u SJB Bijeljina dok od njega ne dobiju sljedeću naredbu, da bi za to vrijeme pripadnici Specijalnog voda MUP-a RS i to Milenko Ećimović zvani „Kroka“ (preminuo), Slavenko Kočević zvani „Kino“, Ljubo Marković zvani „Kleco“, Zvonko Pržulj zvani „Bleso“ i „Donto“, i još jedan točno neutvrđen broj njima poznatih pripadnika te jedinice, većinom obučeni u tamne uniforme, naoružani automatskim i drugim oružjem, neki od njih po licu namazani maskirnim bojama, na čelu sa komandirima voda Duškom Malovićem, kojima se u prostorijama stanice pridružio Goran Sarić obučen u maskirnu uniformu, naoružan automatskim oružjem sa prigušivačem, koji nije bio namazan po licu maskirnim bojama, kao i Jovica Petrović i Mirko Simić zvani „Dizna“ pripadnici interventnog voda SJB, izašli iz prostorija SJB u dvorište iste i sjeli u vozila formirajući kolonu u kojoj je bio civilni kamion „Tamić“ te vozila „Puch“, pincgauer, vojni kamion 110-tka te putničko motorno vozilo bijele boje Toyota Corolla, da bi formirana kolona vozila izlašla iz dvorišta SJB Bijeljina i otišla u pravcu prigradskog naselja Bukreš, pa kada je kolona došla u naselje Bukreš ista se zaustavila uz i pored kuća porodica [REDACTED] [REDACTED] iz vozila izašli pripadnici specijalnog voda MUP-a RS, kao i osobe koje su im se pridružile, naoružani automatskim i drugim oružjem, da bi jedan dio njih ušao u kuće navednih porodica, a drugi raspoređeni po cesti ispred kuća, pod izgovorom da porodice vode na razmjenu u Janju, a u namjeri da iste liše života, svjesno ih obmanuli, pa su tako protuzakonito iz njihovih kuća izveli sve članove porodica [REDACTED]

[REDACTED] koji su izašli u tišini i kojima potom naređuju da se popnu na transportni dio već pripremljenih kamiona, te nakon što su članovi porodica [REDACTED] odvedeni iz svojih kuća u naselju Bukreš, pozornoj patroli koju je već zadržao u SJB Bijeljina, Živan Miljanović je izdao naredbu da vrši obezbjeđenje kuća iz kojih su izvedene porodice, da bi za to vrijeme kolona vozila iz naselja Bukreš krenula prema gradu Bijeljina, skrenula prema Katoličkoj crkvi i otišla u pravcu naselja Balatun, te dolaskom u naselje Balatun skrenula sa glavne ceste i sporednim makadamskim putem došla na lokaciju uz rijeku Drinu gdje se zaustavila a kamion na kojem su bili civili se zaustavio u neposrednoj blizini rijeke Drine, nakon čega civile pod prijetnjom oružja izvodili iz kamiona u manjim grupama, da bi odmah po izlasku bilo pucano u iste iz automatskog oružja kao i iz oružja tzv „sačmarica“ od strane Duška Malovića, Milenka Ećimovića zvanog „Kroka“, Gorana

Sarića, Jovice Petrovića , Mirka Simića zvanog „Dizna“ te još jednog manjeg broja njima poznatih osoba, nakon čega tijela ubijenih padaju u blizini kamiona, dok je jedan civil lišen života vatrenim oružjem pri pokušaju bijega od strane Milenka Ećimovića zvanog „Kroka“, za to su vrijeme ostali pripadnici Specijalnog voda MUP-a Slavenko Kočević zvanog „Kino“, Ljubo Marković zvanog „Kleco“ i Zvonko Pržulj zvanog „Bleso“ i „Đonto“, i drugi njima poznati pripadnici te jedinice, naoružani automatskim oružjem, stajali raspoređeni lijevo i desno od kamiona sa porodicama da bi spriječili pokušaj bijega civila prije nego su svi ubijeni, a komandir Specijalnog voda Duško Malović je istima naredio da tijela civila bace u rijeku Drinu, po kojem naređenju, nakon što su svi civili lišeni života, njihova tijela bacaju u rijeku Drinu, a potom su svi sjeli u vozila i vratili se u noćnim satima u SJB Bijeljina a tijela ubijenih civila su nakndano pronađena i izvađena iz vode i ukopana većinom na lokalitetima općine Sremska Mitrovica, Republika Srbija, zatim ekshumirana, identificirana i sahranjena osim 4 tijela i to:

\_\_\_\_\_ koja do danas nisu pronađena“.

**Čime bi počinili:**

Kazneno djelo Ratni zločin protiv civilnog stanovništva iz članka 142. stavak 1. u svezi sa člankom 22. Kaznenog zakona Socijalističke Federativne Republike Jugoslavije.